

Հավելված T2: K-12 Դպրոցներում COVID-19-ով Վարակման Կառավարման Ծրագրի Արձանագրություն

Վերջին Թարմացումներ. (Փոփոխությունները նշված են դեղին գույնով)

12/19/2020:

- K-12 դպրոցները պարտավոր են Հանրային Առողջապահության Վարչությանը տեղեկացնել աշխատակիցների և երեխաների շրջանում COVID-19 հիվանդության բոլոր դեպքերի մասին, որոնք 14 օրերի ընթացքում, նախքան հիվանդանալը, ինչ-որ պահի եղել են տվյալ տարածքում: Անհրաժեշտություն չկա, որ K-12 դպրոցը Հանրային Առողջապահության Վարչությանը զեկուցի այն հիվանդների մասին, որոնք վերջին անգամ տեղանքում են եղել հիվանդանալուց ավելի քան 14 օր առաջ:
- Սերտ կոնտակտավորի սահմանումը վերանայվել և ներառում է այն անձանց, ովքեր 24 ժամվա ընթացքում ամբողջ 15 րոպե կամ ավելի տևողությամբ գտնվել են վարակված անձից 6 ոտնաչափը չզերազանցող հեռավորության վրա:
- Կարանտինի ժամանակահատվածը կրճատվել է այն անձանց համար, որոնք COVID-19-ով ախտորոշված անձի հետ սերտ շփում են ունեցել:

11/28/2020: K-12 դպրոցները, որտեղ բռնկում է եղել, պետք է փակվեն 14 օրով: Ավելացվել է TK-12 Դպրոցների համար նախատեսված COVID-19-ի Գործիքակազմի հղումը:

Համայնքային մակարդակով COVID-19-ով վարակման վերաբերյալ հանրային առողջապահության նպատակաուղղված արձագանքը կարող է օգնել՝ առավելագույնի հասցնելու Հոս Անջելեսի Շրջանի Հանրային Առողջապահության Վարչության՝ COVID-19-ի արձագանքի ազդեցությունը:

Տարրական և միջնակարգ դպրոցները, որոնք սպասարկում են մանկապարտեզից մինչև 12-րդ դասարանի աշակերտներին (K-12 Դպրոցներ), հուսալի համայնքային գործընկերներ են, որոնք կարող են օգնել ՀԱՎ-ին (DPH)՝ բարելավելու Հանրային Առողջապահության կողմից արձագանքի ժամկետը և ազդեցությունը՝ COVID-19-ով Վարակման Կառավարման Ծրագրի (EMP) արագ գործարկման միջոցով: Վարակման Կառավարման Ծրագրի (EMP) անհապաղ իրականացումը դպրոցներում COVID-19-ով վարակման մեկ դեպքի հայտնաբերման ժամանակ, կարող է արագացնել վարակի տարածման կանխարգելումը և կանխել բռնկումները:

K-12 դպրոցներում COVID-19-ով վարակման 1, 2, 3 և ավելի դեպքերի կառավարման քայլերը նկարագրված են ստորև և ամփոփված են Հավելված Ա-ում: Քանի որ K-12 դպրոցներում COVID-19-ով վարակման կառավարման աղբյուրների հասանելիության աստիճանը տարբեր է, ուստի *պահանջվող* քայլերն այն նվազագույն տարրերն են, որոնք պետք է ներառվեն դպրոցի EMP-ում: Վարակման կառավարման համար *առաջարկվող* քայլերը ներառում են ոչ պարտադիր տարրեր այնտեղ, որտեղ դպրոցական ռեսուրսները բավարար են: K-12 դպրոցների համար նախատեսված լրացուցիչ աղբյուրներ կարելի է գտնել [COVID-19-ի՝ K-12 դպրոցների համար նախատեսված Գործիքակազմում](#):

**Վարակման Կառավարման Ծրագրումը Նախքան Դպրոցում COVID-19-ի
1 Դեպքի Հայտնաբերումը**

- Պահանջվում է.* Դպրոցում COVID-19-ին Համապատասխանությանը Հետևելու Համար Նշանակված Աշխատանքային Խումբ, որը պատասխանատու է COVID-19-ի հետ կապված անվտանգության բոլոր արձանագրությունները կազմելու և իրականացնելու համար, ինչպես նաև ապահովելու, որ աշխատակազմը և աշակերտները տեղեկացված լինեն COVID-19-ի մասին: Դպրոցում COVID-19-ին Համապատասխանությանը Հետևելու Համար Նշանակված Աշխատանքային Խմբի Պատասխանատուն , որը հանդիսանում է դպրոցը ՀԱՎ- ի հետ կապող անձ, իրականացնում է հաստատության մակարդակով տեղեկությունների տարածումը և թեթևացնում է հանրային առողջապահության գործը:
- Պահանջվում է.* Դպրոցը պետք է հետևի Հանրային Առողջապահության [Որոշումներին](#) , որոնք վերաբերում են այն անձանց, կամ դպրոցում նրանց հետ շփում ունեցած անձանց, որոնք դեռևս COVID-19-ի թեստ չեն հանձնել, սակայն մինչև դպրոց մուտք գործելը կամ դպրոցում գտնվելիս նրանց ախտանիշների ստուգման պատասխանը դրական է եղել:
- Պահանջվում է.* Ծրագիր, որով նախատեսվում է, որ բոլոր աշակերտները և աշխատակիցները, ովքեր COVID-19-ին համահունչ ախտանշաններ ունեն, կամ գտնվում են կարանտինի մեջ, որովհետև դպրոցում շփվել են վարակված(ներ)ի հետ, ունենան COVID-19-ի թեստավորման հնարավորություն կամ թեստավորվեն:

**Վարակման Կառավարումը Դպրոցում COVID-19-ով Վարակման 1 Դեպքի
Ժամանակ**

- Պահանջվում է.* Լաբորատորիայի կողմից հաստատված COVID-19-ով վարակման (աշակերտ կամ աշխատակից) 1 դեպքի հայտնաբերումից հետո, Դպրոցի Համապատասխանության Աշխատանքային Խումբը պետք է կարգադրի, որպեսզի այդ անձը հետևի COVID-19-ի համար Տնային Մեկուսացման Ցուցումներին (ph.lacounty.gov/covidisolation):
- Պահանջվում է.* Դպրոցի Համապատասխանության Հանձնախումբը տեղեկացնում է վարակված դեպքին, որ Հանրային Առողջապահությունը անմիջապես կապվելու է նրա հետ լրացուցիչ տեղեկություններ հավաքելու և վարակվող անձի մեկուսացման Առողջապահության պատասխանատուի հրամանը տալու համար:

Պահանջվում է. Դպրոցի Համապատասխանության Պատասխանատուն պետք է Հանրային Առողջապահության Վարչությանը գեկուցի հիվանդանալուց առաջ 14 օրվա ընթացքում որևէ պահի դպրոցում գտնված աշխատակիցների և երեխաների, ինչպես նաև դպրոցում վարակված անձի հետ շփում ունեցած անձանց շրջանում COVID-19 հիվանդության բոլոր հաստատված դեպքերի մասին: Զեկուցումը պետք է կատարվի էլեկտրոնային փոստի միջոցով՝ [Կրթական](#)

[Ուրրտի համար նախատեսված COVID-19-ի Դեպքերի և Կոնտակտների Գծային Ցուցակը](#)
ուղարկելով ACDC-Education@ph.lacounty.gov էլեկտրոնային հասցեին դեպքի մասին
տեղեկանալուց հետո մեկ աշխատանքային օրվա ընթացքում:

- Անձը համարվում է վարակող իր ախտանիշներն ի հայտ գալուց 2 օր առաջ և մինչև այն պահը, երբ իրենից այլևս չի պահանջվում մեկուսանալ (օրինակ՝ առանց ջերմիջեցնող դեղորայքի օգտագործման ջերմություն չի ունեցել առնվազն 24 ժամ ԵՎ մյուս ախտանիշները բարելավվել են ԵՎ ախտանիշներն ի հայտ գալուց հետո անցել է առնվազն 10 օր): Անձը, որի COVID-19-ի թեստի պատասխանը դրական է, սակայն չունի ախտանիշներ, համարվում է վարակող՝ սկսած թեստը հանձնելուց 2 օր առաջ և մինչև իր թեստին հաջորդող 10 օրը:
- Անձը համարվում է վարակված, Եթե նա՝
 - 24 ժամվա ընթացքում վարակված անձից գտնվել է 6 ոտնաչափ հեռավորության վրա 15 րոպեից ավել ժամանակով՝ նույնիսկ եթե կրել է ոչ-բժշկական դիմակ;
 - Չպաշտպանված շփում է ունեցել վարակված անձի մարմնի հեղուկների և/կամ COVID-19-ով հաստատված կամ կասկածվող անձի մարմնի արտազատումների հետ (օրինակ՝ հագացել կամ փռշտացել են վրան, նույն սպասքից է օգտվել կամ թքի հետ է շփվել, կամ խնամել է վարակվածին՝ առանց համապատասխան պաշտպանիչ միջոցների):
 - Վարակիչ ժամանակահատվածում վարակիչ անձի հետ գտնվել է միննույն խմբում կամ դասարանում:

☐ *Պահանջվում է.* Աշակերտները և աշխատակիցները, որոնք հաստատվել են որպես դպրոցում վարակված անձի հետ շփում ունեցած անձինք, Դպրոցի Համապատասխանության Աշխատանքային Խմբի կողմից նամակով կամ հաղորդակցման այլ եղանակով տեղեկացվում են վարակման մասին: Դպրոցում Վարակման Մասին Ծանուցման նամակի ձևանմուշը հասանելի է [Կրթական Հաստատությունների Համար Նախատեսված COVID-19-ի Ծանուցման Նամակների Ձևանմուշի](#) էջում: Վարակման վերաբերյալ ծանուցումը պետք է ներառի հետևյալ հաղորդագրությունները.

- Վարակված անձի հետ շփված աշակերտներն ու աշխատակիցները պետք է COVID-19-ի թեստ հանձնեն՝ անկախ այն բանից, ախտանիշեր ունեն, թե ոչ և թեստի արդյունքների մասին տեղեկացնեն դպրոցին: Դրա հիման վրա կորոշվի դպրոցում հիվանդության տարածման չափը և դա հիմք կդառնա վերահսկողության հետագա միջոցառումների համար: Թեստավորման ռեսուրսները ներառում են՝ Աշխատակիցների Առողջապահական Ծառայությունները կամ Մասնագիտական Առողջապահական Ծառայությունները, Աշակերտների Առողջապահական Կենտրոնը, Անհատական Առողջապահական Ծառայություն Տրամադրողները, Համայնքային Թեստավորման Կենտրոնները. covid19.lacounty.gov/testing: Այն մարդիկ, որոնց անհրաժեշտ է օգնություն բժիշկ գտնելու հարցում, կարող են զանգահարել Լոս Անջելեսի Շրջանի Տեղեկատվական գիծ՝ 2-1-1 հեռախոսահամարով, որը հասանելի է 24/7:
- Վարակված անձի հետ շփում ունեցած աշակերտներն ու աշխատակիցները պետք է ինքնակարանտինի անցնեն (մնան իրենց տանը կամ այլ բնակավայրում՝ մյուսներից առանձնացած) և վարակված անձի հետ վարակիչ (ինչպես նշված է վերևում) լինելու

ընթացքում ունեցած վերջին շփումից հետո 10 օրվա ընթացքում հետևեն իրենց ախտանիշներին, նույնիսկ եթե կարանտինի ժամանակահատվածում նրանց թեստի արդյունքը բացասական է: Եթե նրանք մնում են ասիմպտոմ, ապա կարանտինից ազատվում են 10-րդ օրվանից հետո, սակայն պետք է շարունակեն հետևել իրենց առողջությանը և խստորեն պահպանեն COVID-19-ի կանխարգելիչ նախազգուշական միջոցներին մինչև 14-րդ օրը: Նշում. անձի մոտ, որի թեստի պատասխանը բացասական է, կարող է հետագայում զարգանալ հիվանդությունը՝ ախտանշաններով կամ առանց ախտանշանների, եթե թեստն արվել է ինկուբացիոն շրջանում (օր.՝ վարակված անձի հետ շփումից մինչև հիվանդության սկիզբը ընկած ժամանակահատվածում): COVID-19-ի Տնային Կարանտինի Ուղեցույցը հասանելի է՝ ph.lacounty.gov/covidquarantine:

- ՀԱՎ-ը անմիջականորեն կապ կհաստատի վարակված աշակերտների և աշխատակիցների հետ՝ ՀԱՎ-ի Վարակված Անձանց և Նրանց Շփումների Քննության Ծրագրի միջոցով, որպեսզի հավաքագրի լրացուցիչ տեղեկություններ և հրապարակի Առողջապահության Պատասխանատուի Կարանտինի Հրամանը:

Առաջարկվում է. Դպրոցի Համապատասխանության Աշխատանքային Խումբը կորոշի, թե արդյոք անհրաժեշտ է լրացուցիչ ծանուցում, որպեսզի դպրոցական ավելի լայն համայնքին տեղեկացվի դպրոցում վարակման դեպքի և COVID-19-ի տարածումը կանխելու համար ձեռնարկված նախազգուշական միջոցառումների մասին: Ընդհանուր ծանուցման նամակի ձևանմուշը հասանելի է՝ [Կրթական Հաստատությունների Համար Նախատեսված COVID-19-ի Ծանուցման Նամակների Ձևանմուշի](#) էջում:

Վարակման Կառավարումը՝ 14 Օրվա Ընթացքում Դպրոցում COVID-19-ով Վարակման 2 Դեպքերի Ժամանակ

Պահանջվում է. 14 օրվա ընթացքում լաբորատորիայի կողմից հաստատված 2 դեպքերի հայտնաբերումից հետո (աշակերտներ և/կամ աշխատակիցներ), դպրոցը պետք է հետևի 1 հաստատված դեպքի համար *պահանջվող* քայլերին:

Առաջարկվում է. Դպրոցի Համապատասխանության Աշխատանքային Խումբը որոշում է, թե արդյոք 2 դեպքերը համաճարակաբանորեն կապված են, թե ոչ, որը նշանակում է, որ երկու վարակված անձինք ինչ-որ մի պահի միասին, միաժամանակ ներկա են եղել որևէ տեղում՝ նրանցից մեկի կամ երկուսի վարակող լինելու ընթացքում*:

**Անձը համարվում է վարակող իր ախտանիշների ի հայտ գալուց 2 օր առաջ և մինչև այն պահը, երբ իրենից այլևս չի պահանջվում մեկուսանալ (օրինակ՝ առանց ջերմիջեցնող դեղորայքի օգտագործման ջերմություն չի ունեցել առնվազն 24 ժամ ԵՎ, եթե մյուս ախտանիշները բարելավվել են, ԵՎ ախտանիշների ի հայտ գալուց հետո անցել է առնվազն 10 օր)։ Անձը, որի COVID-19-ի թեստի պատասխանը դրական է, սակայն ախտանիշներ չունի, համարվում է վարակող՝ սկսած թեստը հանձնելուց 2 օր առաջ և մինչև 10 օր՝ թեստը հանձնելուց հետո:*

- Վարակված անձանց միջև համաճարակաբանական կապերի հայտնաբերումը կարող է պահանջել հետագա քննություն՝ գնահատելու վարակի պատմությունը և հայտնաբերելու բոլոր հնարավոր վայրերը և այն անձանց, որոնք կարող են վարակվածների հետ տվյալ հաստատության տարածքում շփված լինել՝ նրանց վարակող լինելու ընթացքում: ԾԱՆՈՒՅՈՒՄ՝ Էպիդեմիոլոգիական (համաճարակաբանական) կապերը ներառում են այն անձանց, որոնք ունեն նույնական կապվածություն միմյանց հետ՝ ինչպես օրինակ ֆիզիկական տարածքը համատեղ զբաղեցնելը (օրինակ՝ դասարանում, գրասենյակում կամ հավաքույթների ժամանակ), որը մատնանշում է հիվանդության փոխկապակցված տարածման ավելի բարձր հավանականություն տվյալ հաստատությունում, քան եզակի փոխանցումը ավելի լայն համայնքի շրջանակում: Համաճարակաբանական կապերի գնահատման աշխատանքների օժանդակող գործիքը հասանելի է այստեղ՝ [Կրթական Ոլորտի Համար Նախատեսված COVID-19-ով Վարակման Քննության Թերթիկ](#): Համաճարակաբանական կապերի գնահատման վերաբերյալ մասնագիտական օժանդակություն ստանալու համար խնդրում ենք դիմել՝ ACDC-Education@ph.lacounty.gov:
- Եթե համաճարակաբանական կապեր չկան, դպրոցը պետք է շարունակի վարակման կանոնավոր կառավարումը:
- Եթե կան համաճարակաբանական կապեր, ապա դպրոցը պետք է ուժեղացնի ուսանողներին և աշխատակիցներին ուղղված նախազգուշական միջոցներ ձեռնարկելու վերաբերյալ ուղերձները, որպեսզի դպրոցում կանխվի վարակի տարածումը, ինչպես նաև նախաձեռնի տվյալ հաստատությանը հատուկ միջամտություններ:

Վարակման Կառավարումը՝ 14 Օրվա Ընթացքում Դպրոցում COVID-19-ով Վարակման ≥ 3 Դեպքերի Ժամանակ

□ *Պահանջվում է.* Եթե դպրոցը 14 օրվա ընթացքում հայտնաբերում է լաբորատորիայի կողմից հաստատված 3 կամ ավելի վարակման խմբակային դեպք (աշակերտներ և/կամ աշխատողներ), ապա դպրոցը պետք է իրականացնի հետևյալ քայլերը.

- **Անմիջապես** զեկուցի խմբակային վարակման վերաբերյալ ՀԱՎ Սուր Վարակիչ Հիվանդությունների Վերահսկման (ACDC) Կրթական Ոլորտի Թիմին՝ ACDC-Education@ph.lacounty.gov էլեկտրոնային հասցեով կամ զանգահարելով հետևյալ հեռախոսահամարներով՝ (888) 397-3993 կամ (213) 240-7821:
- Լրացնի *Վարակված Անձանց և Նրանց Շփումների ցանկը*, որը հասանելի է հետևյալ հասցեով՝ [COVID-19 Case and Contact Line List for the Educational Sector](#) և ուղարկի այն հետևյալ հասցեով՝ ACDC-Education@ph.lacounty.gov. Ցանկը լրացնելու վերաբերյալ տեխնիկական օժանդակություն ստանալու համար, դիմել՝ ACDC-Education@ph.lacounty.gov.
- ACDC Կրթական Ոլորտի Թիմը կվերանայի *Վարակված Անձանց և Նրանց Շփումների ցանկը*՝ պարզելու, թե արդյոք դա համապատասխանում է ստորև նկարագրված բռնկման չափանիշներին և կներկայացնի դպրոցին իր հետագա քայլերի մասին՝ 1 աշխատանքային օրվա ընթացքում:

- Բռնկման Չափանիշները. լաբորատորիայում հաստատված առնվազն 3 ախտանիշներ ունեցող (սիմպտոմատիկ) և ախտանիշներ չունեցող (ասիմպտոմատիկ) COVID-19-ի դեպքեր, մի խմբում 14 օրվա ընթացքում, որի անդամները համաճարակաբանորեն կապված են իրար, չեն հանդիսանում միևնույն ընտանիքի անդամ և դպրոցից դուրս սերտ շփում չունեն միմյանց հետ: *Դպրոցական խմբերը ներառում են այն անձանց, որոնք համատեղ անդամագրություն ունեն դպրոցում (օր.՝ դասարան, միջոցառում դպրոցում, արտադպրոցական գործունեություն, ուսումնական-ակադեմիական դասընթաց, սպորտային թիմեր, ակումբներ, փոխադրումներ): Համաճարակաբանական կապերը պահանջում են վարակված անձից ներկա գտնվել միևնույն կետում, միևնույն տարածքում՝ վարակող եղած միևնույն ժամանակահատվածում:
- Եթե բռնկման չափանիշներին չի համապատասխանում, ACDC թիմը կհորդորի դպրոցին շարունակել վարակման կանոնավոր կառավարումը:
- Եթե բռնկման չափանիշներին համապատասխանում է, ACDC թիմը կտեղեկացնի դպրոցին, որ ակտիվացվում է ՀԱՎ արձագանքի թիմը, և Արձագանքի թիմը կհաղորդակցվի անմիջապես դպրոցի հետ՝ համակարգելու վարակի բռնկման արձագանքը:
- K-12 դպրոցները, որտեղ գրանցվել է բռնկում, պետք է փակվեն 14 օրով՝ համաձայն Առողջապահության Պատասխանատուի՝ COVID-19-ի Վերահսկմանն Ուղղված՝ «Ժամանակավոր, Թիրախավորված՝ Ավելի Անվտանգ է Տանը» Հրամանի:

□ *Առաջարկվում է.* Մինչ վարակված խմբի մասին ՀԱՎ Սուր Վարակիչ Հիվանդությունների Վերահսկման (ACDC) Կրթական Ոլորտի Թիմին զեկուցելը, Դպրոցի Համապատասխանության Աշխատանքային Խումբը պետք է որոշի, թե արդյոք խմբի առնվազն 3 դեպքերն ունեն համաճարակաբանական կապեր: Համաճարակաբանական կապերը գնահատելու օժանդակող գործիքը հասանելի է այստեղ՝ [Կրթական Ոլորտի Համար Նախատեսված COVID-19-Ով Վարակման քննության Թերթիկ](#):

Հավելված A: Դպրոցում COVID-19-ով Վարակման Դեպքերի Կառավարման Քայլեր

1 Դեպք	<p><i>Պահանջվում է.</i> Դպրոցը հրահանգում է վարակված անձին հետևել COVID-19-ի Տնային Մեկուսացման Ցուցումներին.</p> <p>1) <i>Պահանջվում է.</i> Դպրոցը տեղեկացնում է վարակված անձին, որ ՀԱՎ-ը անմիջականորեն կապ կհաստատի իր հետ՝ հավելյալ տեղեկատվություն հավաքելու և Առողջապահության Պատասխանատուի Մեկուսացման Հրամանը</p>
---------------	--

	<p>հրապարակելու համար:</p> <p>2) <i>Պահանջվում է.</i> Դպրոցը պետք է աշխատի վարակված անձի հետ, որպեսզի հայտնաբերի դպրոցում նրա հետ շփված անձանց:</p> <p>3) <i>Պահանջվում է.</i> Դպրոցը տեղեկացնում է* վարակված անձի հետ դպրոցում շփված անձանց վերաբերյալ և հանձնարարում նրանց ինքնամեկուսանալ տանը և COVID-19-ի թեստ հանձնել:</p> <p>4) <i>Պահանջվում է.</i> Դպրոցը տեղեկացնում է վարակված անձի հետ դպրոցում շփված անձանց, որ ՀԱՎ-ը անմիջականորեն կապ կհաստատի նրանց հետ՝ հավելյալ տեղեկատվություն հավաքելու և Առողջապահության Պատասխանատուի Մեկուսացման Հրամանը հրապարակելու համար:</p> <p>5) <i>Պահանջվում է.</i> Դպրոցը հաստատված դեպքերի և տեղանքում վարակված անձի հետ շփում ունեցած անձանց մասին տեղեկություններ է ներկայացնում՝ օգտագործելով Կրթական Ոլորտի համար նախատեսված՝ COVID-19-ի Դեպքերի և Կոնտակտների Գծային Ցուցակի հղումը և էլեկտրոնային փոստով ուղարկում է այն Հանրային Առողջապահության Վարչությանը՝ ACDC-Education@ph.lacounty.gov էլեկտրոնային հասցեով՝ մեկ աշխատանքային օրվա ընթացքում:</p> <p>6) <i>Առաջարկվում է.</i> Դպրոցը ընդհանուր ծանուցում է ուղարկում * դպրոցական ավելի լայն համայնքին, որպեսզի տեղեկացնի դպրոցում վարակի առկայության և ձեռնարկված նախազգուշական քայլերի մասին, որոնք կկանխեն վարակի տարածումը:</p> <p>*Ընդհանուր ծանուցման նամակի ձևանմուշը հասանելի է այստեղ՝ COVID-19 Template Notification Letters for Education Settings.</p>
<p>2 Դեպքեր</p>	<p>1) <i>Պահանջվում է.</i> Հետևել 1 հաստատված դեպքի համար պահանջվող քայլերին:</p> <p>2) <i>Առաջարկվում է.</i> Եթե հայտնաբերվում են 2 դեպքեր 14 օրվա ընթացքում, դպրոցը պետք է որոշի, թե արդյոք դեպքերը համաճարակաբանորեն կապված են*:</p> <p>Համաճարակաբանական կապերի գնահատման աշխատանքներին օժանդակող գործիքը հասանելի է՝ Կրթական Ոլորտի Համար Նախատեսված քննության Թերթիկ: Եթե համաճարակաբանական կապերը <u>առկա են</u>, ապա ECE հաստատությունները կիրառում են վարակի վերահսկման լրացուցիչ միջոցառումներ:</p>
<p>3+ Դեպքեր</p>	<p>1) <i>Պահանջվում է.</i> Եթե 14 օրվա ընթացքում 3 կամ ավելի խմբակային վարակման դեպք է հայտնաբերվում, դպրոցը պետք է անմիջապես տեղեկացնի այդ մասին ՀԱՎ-ին՝ ACDC-Education@ph.lacounty.gov.</p> <p>2) <i>Առաջարկվում է.</i> Մինչ խմբակային վարակման դեպքի վերաբերյալ ՀԱՎ-ին տեղեկացնելը՝ դպրոցը պետք է որոշի, թե արդյոք առնվազն 3 դեպքերն ունեն համաճարակաբանական կապեր: Եթե համաճարակաբանական կապեր <u>չկան</u>,</p>

- դպրոցը պետք է շարունակի վարակման կանոնավոր կառավարումը.
- 3) *Պահանջվում է.* ՀԱՎ-ը պահանջում է, որ դպրոցի կողմից լրացվի [Կրթական Ոլորտի Համար Նախատեսված COVID-19-Ով Վարակման Քննության թերթիկը](#)՝ որոշելու համար, թե արդյոք այն համապատասխանում է բռնկման չափանիշներին: Եթե բռնկման չափորոշիչները բավարարվում են, ապա Հանրային Առողջապահության Արձագանքի Թիմը կգործարկվի, և հանրային առողջապահության Քննիչը կապ կհաստատի դպրոցի հետ՝ համակարգելու բռնկման քննությունը:*
- 4) *Պահանջվում է.* Դպրոցը պետք է փակվի 14 օրով՝ համաձայն Առողջապահության Պատասխանատուի՝ COVID-19-ի Վերահսկմանն Ուղղված՝ «Ժամանակավոր, Թիրախավորված՝ Ավելի Անվտանգ է Տանը» Հրամանի: Դպրոցը ՀԱՎ բռնկմանն արձագանքի թիմին պետք է տեղեկացնի նորությունների մասին, միջև բռնկման դադարումը: